

diem apud scriptores coelaneos: in vetere Martirologio dicitur benefactor singularis ecclesiæ, cuius vigilantia solers in gregis custodia facile deprehenditur ex sanctissimis constitutionibus, aliisque præceptis synodalibus de septem sacramentis. De eo chronicon Antissiodorensé: « Odo Parisiensis episcopus obiit vir æmulator virtutis, et virtutum egregius insectator, qui inter cætera bona quibus enituit, id habebat præcipuum, quod in beneficiis ecclesiasticis conserendis, non ad genus, non ad munus, non ad preces, sed ad mores scientiamque respiceret, nec nisi dignos ad dignitates ecclesiasticas promoveret: hinc est quod ejus studio Guillelmus ad Bituricensem, Gausfridus ad Turenensem, Albericus ad Remensem archiepiscopatum promoti sunt, quorum prior Caroliloci abbas exstitit, alii duo Parisienses archidiaconi sibi invicem successerunt, viri insignes ac timentes Deum,

A honestatisque ac justitiae præcipui sectatores. Ipso præterea satagente ac suggestente actum est, ut dominus papa principes et populos per Gallias concitaret ad debellandam Albigenium hæreticorum perfidiam. » Legendus Stephanus epistola 218, ubi celebratur Odo a nobilitate generis, honestate, auctoritate dignitatis est et prudentia. Exstant ad eum Petri Blesensis epistolæ 160 et 227, præter eam de qua in superioribus. Ex his autem omnibus liquido constat quam temere Rigordus libro *De gestis Philippi Augusti*, et sanctus Antonius tomo XVII, cap. 9, scripserint Odonem a Maurilio decessore suo moribus et vita longe dissimilem fuisse, cum ab omnibus sui ævi scriptoribus inter celeberrimos, sapientissimos ac piissimos sui temporis antistites annumeretur. Quam bene hanc in rem observavit Antonius Pagi (42), scriptores quandoque calamo abuti et falsa narrare!

(42) Tom. IV, p. 715.

## ODONIS DE SOLIACO

PARISIENSIS EPISCOPI

## SYNODICÆ CONSTITUTIONES

(MANSI, *Concil.*, XXII, 675.)

In nomine sanctæ Trinitatis incipiunt prohibitiones et præcepta observanda ab omnibus sacerdotibus, data a venerabili Odone Parisiensi episcopo.

CAP. I. *De modo et tempore celebrandi synodus.*

1. *Fit Jovis in luce synodus quæ proxima Lucæ.*  
*Lux Jovis hac replicat tertia Pascha sequens.*

In principio synodi, antequam cantetur, *Veni, creator Spiritus;* queratur utrum præsentes sint abbates et sacerdotes qui tenentur synodo interesse. Et hoc facto incipiat episcopus alta voce, *Veni creator;* quo finito dicantur orationes, his precibus præcedentibus, *Pater noster;* *Et ne nos,* etc. *Benedicamus Patrem,* etc. Post partum, etc. *Lætamini in Domino,* etc. *Fiat pax,* etc. *Dominus vobiscum,* etc. *Oratio, Omnipotens sempiterne Deus,* qui dedisti famulis tuis, etc. *Actiones nostras, quæsumus, Domine,* etc. *Deus qui salutis æternæ,* etc. *Propitiare, quæsumus, Domine, nobis famulis tuis per sanctorum tuorum, quorum corpora vel reliquiae in ecclesia præsenti requiescant, merita gloria,* ut eorum pia intercessione ab omnibus semper protegamus adversis. *Infirmitatem nostram, quæsumus, Domine, respice,* etc. *Deus a quo sancta desideria,* etc. *Per Dominum,* etc. Finitis orationibus résidébunt, et legetur lectio; qua lecta siet sermo.

(43) Id est, veniam aperiri faciat quispiam ad sanguinem eliciendum praetextū morbi, ut forte criminis

CAP. II. *De eodem.*

1. Finito sermone, licentiabit episcopus laicos et scholares, et alios clericos qui non debebunt synodo interesse. Hoc facto, legantur præcepta synodi.

2. His expletis, dicantur capitula quæ sunt addenda, et in fine districte præcipiatur ut serventur sacerdotibus. Deinde sequuntur preces pro necessitate locorum et personarum.

3. Districte præcipit sacerdotibus ut jejunii intrent synodum; in jejunio enim debet fieri et oratione.

4. Districte præcipit ut induti albis et stolis intrent sacerdotes synodum illam, quæ celebatur tempore paschali; illam vero quæ fit Septembri, superpelliciis tantum et stolis.

5. Prohibetur sacerdotibus, ne causas adducant ad synodum, aut aliqua negotia quæ non pertinent ad quosdam, et ne sibi tunc minuatur (43), cum debent synodo interesse, prohibetur.

6. Præcipit districtus, ut omnes presbyteri, maxime curam animarum habentes, veniant ad aliquius conscius absens synodo, contumaciæ non damnetur.

nodum; et si gravi infirmitate detenti, aut alia necessitate inevitabili, venire non potuerint, suum capellatum mittant, aut clericum, loco suo.

7. Præcipitur in eundo et redeundo a synodo honeste ambulent presbyteri, et honesta querant hospitia, ut in eis circumspecte se habeant, ne status clericorum vertatur in contemptum et opprobrium populo. Præcipimus in virtute Domini nostri et Dei, et obedientiae, ut honor maximus et reverentia debita singulis sacramentis sanctæ Ecclesiae, præcipue a sacerdotibus et clericis, exhibeantur, et ut laici similiter exhibeant in quantum sacerdotes moneant eos et exhortentur.

#### CAP. III. *Capitula baptismum tangentia.*

1. Baptismus cum reverentia et honore celebretur, et cum magna cautela, sub hac forma: *N. ego baptizo te, in nomine Patris, et Filii, et Spiritus sancti.* Et caveat maxime in distinctione verborum et in prolatione, in quibus tota virtus consistit sacramenti et salus puerorum. Et in Romano sub eadem forma doceant frequenter sacerdotes, laicos baptizare debere pueros in necessitate; et post inundationem ea faciant sacerdotes pueris quæ solent fieri post immersionem.

2. Pro baptismo nihil omnino ante exigatur, sed post laudabilis consuetudo exigi potest.

3. Fontes sub sera clausi custodiantur propter sortilegia. Chrisma similiter et sacrum oleum sub clave servetur.

4. Semper sacerdos interroget laicum diligenter, cum in necessitate baptizaverit puerum, quid dixerit et quid fecerit. Et si invenerit laicum discrete et modo debito baptizasse, et formam verborum in Romano integre protulisse, approbet factum: sin autem non, baptizet puerum modo debito. Et hic est modus: *Petre, si es baptizatus, non te baptizo; si non es baptizatus, ego baptizo te,* etc.

5. Ad elevandum parvum de fonte, tres ad plus recipiantur; quod enim amplius est, a malo est.

#### CAP. IV. *Capitula de sacramento confirmationis.*

1. Sacerdotes frequenter moneant populum ad confirmationem puerorum.

2. Post baptismum debet suscipi sacramentum confirmationis.

3. Quod si confirmandus adultus fuerit, consiteatur prius, et postea confirmetur.

4. Sæpe dicatur laicis ne exspectent diu ad confirmandum pueros adventum episcopi, sed ducant eos ad eum, nisi adesse audierint prope; et quod possent nomina mutari pueris, si velint, in confirmatione, aut si visum fuerit expedire.

5. Nullus sacerdos confirmare aut consecrare virgines præsumperit; solius episcopi est confirmare, virgines consecrare, ecclesias dedicare, ordines dare.

(44) Sacerdotem intelligit cum comite clero et alijs quotquot adeunt.

A

#### CAP. V. *Capitula de sacramento altaris.*

1. Summa reverentia et honor maximus sacris altaribus exhibeatur, et maxime ubi sacrosanctum corpus Domini reservatur et missa celebratur.

2. Linteamina altaris et indumenta saepè abluantur, ad reverentiam et præsentiam Salvatoris nostri et totius curiae celestis, quæ cum eo præsens adest quoties missa celebratur.

3. Calices quibus infirmi communicantur decorantur, et mundi custodiantur, ut devotius communient infirmi.

4. Ampullæ vini et aquæ in ministerio altaris mundæ et integræ habeantur; similiter ampullæ chrismatis et olei sancti.

B

5. Non permittant presbyteri diacones (communatur episcopus eis qui hoc non servant) deferre infirmis sacrosanctum corpus Domini, nisi in necessitate, cum sacerdos absens fuerit; sed semper sacerdos cum magna reverentia et maturitate deferat in pixide eburnea bene clausa, propter casum, et cum lucerna præcedente, cantantes (44) septem psalmos pœnitentiales cum litanie pro infirmo, eundo et redeundo. Si longa via fuerit, addant quindecim psalmos et alias orationes: sic enim debitum persolvunt infirmo, et audientes invitant ad exhibendam Deo reverentiam et honorem et orationem.

6. Frequenter moneantur laici ut, ubique videant deferri corpus Domini, statim genua flectant tanquam Domino et Creatori suo, et junctis manibus, quoadusque transierit, orient.

7. In pulchriori parte altaris cum summa diligentia et honestate sub clavis sacrosanctum corpus Domini custodiatur.

8. Nulli clero permittatur servire altari male ornato [F. nisi more servato] in majori ecclesia, ut nisi in superpellicio aut cappa clausa.

9. Nullus bis in die missam audeat celebrare, aut cum dupli introitu, nisi in magna necessitate.

D

10. Nullus antequam matutinas dixerit canonicas, et Primam, præsumat absque aliqua necessitate celebrare missam.

11. Ad horas beatæ Virginis semper tertius versus dicatur, capitulo, ut observat H. S. Maria mater gratiæ, et cantentur in ecclesia cum nota et devotione, vel in regendo an cavendo.

#### CAP. VI. *Capitula de confessione.*

1. Sacerdotes circa confessionem maximam curam adhibeant et cautelam, scilicet ut diligenter peccata inquirant; usitata, sigillatim; inusitata, non nisi a longe per aliquam circumstantiam, sic tamen ut ex peccatis detur materia confitendi.

2. Ad audiendum confessores communiorem [al. eminentem] locum in ecclesia sibi eligant sa-

cerdotes, ut communiter ab omnibus videri possint; et in locis abditis, aut extra ecclesiam, nullus recipiat confessiones, nisi in magna necessitate vel infirmitate.

3. In confessione habeat sacerdos vultum humilem, et oculos ad terram, nec aspiciat vultum consitentis, maxime mulieris, causa debitæ honestatis, et patienter audiat quæ dixerit in spiritu lenitatis, et ei pro posse suo pluribus modis persuadeat ut confiteatur integre; aliter enim dicat ei nihil valere.

4. *Incestum faciens, deflorans, aut homicida, Pontificem querens; papam, si miseris ignem. Sacrilegus, patris percussor, vel Sodomita, Si percussisti clericum, Simonve fuisti.*

5. Sacerdotes majora reservent majoribus in confessionibus, sicut homicidia, sacrilegia, peccata contra naturam, incestum et supra virginum, injectiones manuum in parentes, vota fracta, et hujusmodi.

6. Sunt tria in quibus nullus habet potestatem absolvendi, nisi dominus papa vel ejus vicarius, nisi in necessitate, scilicet in injectione manuum in clericos vel quosvis religiosos, in incendio, per quam sententiam sunt vocati Simoniaci; nihilominus tamen talium rei remittendi ad episcopum.

7. In dubiis semper confessor consulat episcopum aut sapientes viros, nisi ex necessitate; quorum consilio certificatus, solvat securius aut liget, maxime prælatos suos.

8. Audita confessione, semper confessor interroget consitentem si velit abstinere ab omni mortali; aliter vero non absolvat eum, nec injungat ei pœnitentiam, ne inde confidat, sed moneat ut iterum faciat quidquid boni poterit, ut Deus cor illius illustret ad pœnitentiam.

9. In injungendis parvis pœnitentiis sibi caveant sacerdotes; secundum enim qualitatem culpæ et possibilitatem consitentis debet esse qualitas pœnitentiae; alioquin quod minus est requiretur ab eis.

10. *Cum furto raptus, cum senore Simonis actus, De sic possessis eleemosyna fit ab ipsis.*

11. In furto, rapina, usura, fraude sibi valde caveant sacerdotes: non alias injungant pœnitentias, scilicet missarum, eleemosynarum, et hujusmodi, priusquam reddiderint; non enim tale dimittitur peccatum, nisi restituatur ablatum.

12. Nullus missas quas injunxerit celebret, nec tricenarium nec annuale, et pro minus nullus triennale et quinquennale.

13. Frequenter presbyteri moneant ad confessionem, et præcipue ab initio Quadragesimæ instanter præcipiant venire generaliter ad confessionem.

14. In confessione caveant sibi confessores ne

A inquirant nomina personarum cum quibus peccaverint consitentes, sed circumstantias tantum et qualitates; et si consitens indicaverit, arguat eum confessor, et secretum illud teneat sicut consitentis peccatum.

15. Nullus ira, vel odio, vel etiam metu mortis in aliqua audeat revelare confessionem signo vel verbo ullis, generaliter vel specialiter, ut dicendo: « Ego scio quales estis. » Et si revelaverit, absque misericordia debet degradari.

16. Omnes præcipiant instituta jejunia servari, ut jejunium Quadragesimæ, Quatuor Temporum, Vigiliarum, nisi ex magna et rationabili causa contra fiat, et sextæ feriæ; ex debito enim tenentur facere talia jejunia.

#### CAP. VII. *Capitula circa matrimonium.*

1. Matrimonium cum honore et reverentia celebretur, nec cum risu et joco; nec contemnatur, etiamsi secundæ et tertiæ fiant; autequam fiat, semper tribus Dominicis aut tribus festivis diebus æque distantibus, quasi tribus edictis, perquirat sacerdos a populo sub poena excommunicationis de legitimitate sponsi et sponsæ qui debent conjungi, et ante fidem datam de contrahendo matrimonio, et ante hæc tria edicta nullus audeat aliquo modo matrimonia celebrare.

2. Prohibeant firmiter laicis, per excommunicationem, sortilegia fieri; malefici quoque et celantes consanguinitatem et alia impedimenta matrimonii, votum, ordinem, consanguinitatem, affinitatem, disparem cultum, compaternitatem, quæ tantum quatuor a matrimonio excludit personas, compatrium, commatrem, filiolum, et fratrem et sororem spiritualem, scilicet filium vel filiam patrini [Suppl. excommunicati publicentur.]

3. Nullus sacerdos audeat persicere matrimonium in casu dubio, inconsulto episcopo, sed ad eum semper referat omnes matrimonii dubietates, si opus fuerit.

4. Prohibetur districte sub poena suspensionis ne ullus sacerdos aut capellanus exigat aliquid ante benedictionem nuptialem, sive pro testimonio ferrando, sive pro matrimonio celebrando, occasione ferculorum quæ debentur pro nuptiis; celebrato autem matrimonio recipiat fercula sua, et exigat, si necesse fuerit, sicuti consuetum est.

5. Prohibeat sacerdos in ecclesia publice sub excommunicatione ne alter conjugum transeat ad religionem, aut recipiatur nisi per episcopum.

#### CAP. VIII. *De sacramento extremæ unctionis (45).*

1. Cum reverentia deferatur oleum sanctum ad infirmos, et eos ungant sacerdotes cum magno honore et orationum celebritate quæ ad hoc sunt ordinatae, et nihil inde penitus exigatur, sive a paupere, sive a dñe: sed si quid gratis datum fuerit, gratis accipient.

2. Ad sacramentum extremæ unctionis moneant

populum sacerdotes, non tantum divites et senes, sed pauperes et juvenes omnes tempore discretionis, maxime a quatuordecim annis et supra, et ad omnes communiter, ut se paratos exhibeant, cum necesse fuerit.

3. Doceant frequenter populum hujusmodi sacramentum licite iterari, et saepe recipi, scilicet in qualibet magna infirmitate unde metus est mortis; et post susceptum licite reverti ad opus conjugale eum qui convaluerit de infirmitate.

4. Librum qui dicitur *Manualis* habeant singuli sacerdotes parochiales, ubi continetur ordo servitii extremæ unctionis, cathechismi, baptismatis et hujusmodi.

5. Habeant singuli Canones pœnitentiales, et ordinarium officium Ecclesiæ, secundum usum et modum qui seryatur in ecclesia majori.

6. Moneantur sacerdotes ne testamenta sua ordinent per manum laicalem, et ipsi frequenter prohibeant laicis ne sua testamenta faciant sine præsentia sacerdotis, dicat episcopus quod non faciant eis in unum (46).

*Hic incipiunt communia præcepta synodalia.*

1. Præcipitur sacerdotibus ut omnes redditus et possessiones ecclesiæ scribant in missalibus suis, et prohibetur penitus presbyteris et parochianis ne de his quæ sunt ecclesiæ aut presbyteris alienant ab ecclesia, nisi per consilium episcopi.

2. Prohibetur districte ne pro interragio corpus sepeliri differatur, sed post sepulturam exigant ludi cunctas consuetudines. Idem dicimus de similibus.

3. Quicunque reædificaverit in cœmitorio excommunicetur, si principalis pars domus per se ceciderit.

4. Tribus diebus continuis vocetur excommunicandus, et nisi justitiæ se obtulerit, et fidem dederit quod veniet ad diem sibi assignatam, ac diem adversario nuntiayerit, excommunicetur: et excommunicatus nullo modo absolvatur, nisi modo a majori, præterquam in articulo mortis, et tunc tamen data cautione, quod stabit iudicio Ecclesiæ.

5. Presbyteri super citationibus faciendis credant his qui dederint fidem; sed super excommunicationibus faciendis non credant sine litteris. Sententias audacter ferant, latas districte servent, ut citius quam sententiæ deficiant, nemini parcentes, aut timore, aut amore, nec pro absolutis eos habeant, nisi eis bene constiterit.

6. Mortuæ in partu scindantur, si infans creditur vivere; tamen si bene constiterit de morte earum.

7. Sacerdotes auditio parochianorum suorum obitu, statim absolvant eos cum psalmis pro defunctis, et collecta.

8. Item inhibetur ne faciant designationes ecclesiistarum in manu abbatum, vel quorumlibet patronorum, sed in manu episcopi vel prælati sui.

A 9. Non permittantur prædicatores super arcas celebrare, nec pulsare campanas per vicos, nec loqui in ecclesiis, nec præsentare reliquias, sed tantum deferant ferenda, et sacerdotes pro illis loquantur.

10. Exhortentur populum semper presbyteri ad dicendam Orationem Dominicam, et *Credo in Deum*, et salutationem beatæ Virginis.

11. Moneant semper populum, et maxime mulieres, ne faciant vota sua, nisi cum magna deliberatione, et assensu virorum, et consilio sacerdotum.

B 12. Nullus sacerdos vel capellanus teneat in domo sua aliqua occasione mulierem, nisi sit mater aut soror, aut talis de qua visum sit episcopo quod careat omni suspicione in honesta.

13. Prohibetur penitus universis sacerdotibus ludere cum deciis, et interesse spectaculis, vel choreis assistere, et intrare tabernas causa potandi, et sine amictu, scilicet cappa vel pallio vel superpelliceo, et comite clericu vel laico intrare domos alienas, aut discurrere per vicos et plateas, et ne habeant cappas alatas et vestes inordinatas omnino prohibetur.

14. Nullus clericus vel regularis accipiat decimam de manu laici, nisi per manum episcopi.

15. Nullus clericus fidejubeat Judæo vel feneratori, nec obliget pro pignore aliquo modo ornamenta ecclesiæ vel libros Judæo.

16. Nullus recipiatur ad prædicandum, nisi sit authentica persona, vel ab episcopo vel archidiacono missus.

17. Nullus clericus faciat jusjurandum antequam fuerit episcopo præsentatus.

18. Frequenter moneantur laici ut non retineant decimas, quas in periculum animarum suarum retinent.

19. Nullus clericus potest sibi retinere decimas jure hæreditario possessas; sed auctoritate episcopi possunt clerici fructus recipere, ita tamen quod semper laborent, et quod ad ecclesiam revertantur.

D 20. Die Dominica præcedente, synodum sacerdotes qui capellanos non habent in suis parochiis, semper inquirant publice in ecclesia si qui sint infirmi in parochia, et tertia sequenti die visitent eos, si aliqui fuerint infirmi, etiam non requisiti, et faciant quidquid fuerit ad salutem animarum, ne mora quam facturi sunt in synodo fiat occasio periculi; eorum nihilominus tamen etiam saluti procurantes provisionem, quam solent facere per capellanos vicinos qui remanent, et diaconos proprios.

21. Sacerdotes die octavo semper renovent sacramenta ad fontem benedictum oleo et chrismate, et sanctam eucharistiam, ne vetustate aliqui ad indictionem meveri valeant aut errorem.

22. Si negligentia evenerit ut, prælecto Canone

et peracta consecratione, nec vinum nec aqua repe-  
riatur in calice, debet statim infundi utrumque, et  
sacerdos reiterabit consecrationem ab illo loco Ca-  
nonis : *Simili modo postea quam cœnatum est. (Luc.*  
*xxii)*, usque ad finem, ita tamen ut illas duas cruces  
omittat quas singulariter fecit super panem. Quod  
si de simplice vino vel de aqua sine vino fiat con-  
secratio, vinum reputatur pro sacramento, sed  
aqua non reputatur; et ideo ista negligentia de  
aqua posita sine vino, major, et majori pœnitentia  
emendanda est.

23. Si quid ceciderit de sanguine Domini super  
corporale, rescindendum est ipsum corporale, et in  
loco reliquiarum observandum; si palla altaris inde-  
tincta fuerit, rescindenda pars illa, et pro reliquiis  
servanda. Si super insulam, casulam, vel super  
albam decurrat, similiter fiat. Si super quodlibet  
vestimentum, comburenda est pars illa, et pulvis  
in sacrarium reponendus est; si vero in terram  
ceciderit, lingenda est terra; est tergendus et ra-  
dendus locus ipse, sive lapis, sive lignum, sive  
terra, et pulvis in sacrario reponendus.

24. Porro si in ipsum sanguinem musca, vel  
aranea, vel aliquid tale ceciderit, quia non sine  
vomitu et periculo corporis aliquando sumi potest,  
igne cremandum est, et tunc sanguis Domini sumatur;  
illud tamen quod intus ceciderit prius debet in  
calice vino perfundi, et quanto cautius fieri poterit,  
ablii, et postea super piscinam comburi, et illam  
ablutionem sacerdos sumat. Quod si de corpore  
Domini super quodlibet aliud vestimentum, non  
incidatur, sed vino abluatur, et a ministro sumatur  
vinum ipsum. Quod si in [f. id] primo datum rejici-  
tur, prout diligentius poterit recipiat, et conjunctum  
cum vino in calice sumatur; sed integrum  
sumi non potest, eo quod ore alterius projectum  
est.

25. Reus autem hujus negligentiae, et qui cum eo  
particeps fuerit culpæ, competenti subjaceat disciplinæ; si autem supra lignum vel lapidem ceciderit,  
modus supradictus de sanguine Domini tenendus  
est.

26. Prohibetur sacerdotibus ne nimis festinent  
venire Parisios occasione synodi, et ne magnam  
faciant moram sese visitando et reficiendo tam in D  
via quam in civitate. Quidam enim iter arripiunt  
præcedenti Dominica, vel a die Lunæ, summo mane,  
et moram faciunt usque ad sequentem Dominicam,  
et magnum imminet periculum saluti animarum.

27. Districte præcipitur ut quilibet sacerdos ha-  
beat in celebratione missæ, propter munditiam  
vestimentorum circa altare, unum manutergium.

28. Præcipitur presbyteris ut cum in Canone  
missæ inceperint : *Qui pridie, tenentes hostiam, ne*  
*elevent eam statim nimis alte, ita quod possit ab*  
*omnibus videri a populo, sed quasi ante pectus deti-  
neant, donec dixerint : Hoc est corpus meum (Matth.*  
*xxvi)*; et tunc elevent eam, ut possit ab omnibus  
videri; et post talem susceptionem tam corporis

A quam sanguinis, et vini puri, aliquantum ab ex-  
puendo abstineant; et si abstinere non possunt, in  
piscinam hoc faciant suaviter et urbane: vinum  
autem potius rubeum ministretur in calice, propter  
similitudinem albi vini cum aqua.

29. Prohibetur districte sacerdotibus ne habeant  
secum prolem quam in sacro ordine suscepient  
propter scandalum; et ne in suis domibus habeant  
scaccos et aleas vel decios, omnino prohibetur.

30. Prohibetur districte sacerdotibus ne accipian  
gazeras vel admodiationes, nisi de decimis, quo-  
niam esset species negotiationis, et ne habeant in  
pallis suis pecias nisi blavi vel nigri coloris.

31. Similiter præcipitur presbyteris quod immo-  
bilia de bonis ecclesiæ acquisita ecclesiis suis tan-  
B tummodo legent (nam de jure aliud facere non pos-  
sunt); de mobilibus vero suis rationabile faciant  
legatum.

32. Item præcipitur sacerdotibus ut frequenter  
Dominicis et aliis festivis diebus in aliqua parte  
sermonis proponant fideliter populo Symbolum fidei,  
et eis diligenter distinguant articulos fidei, et in  
singulis confirment populum, auctoritatibus et ra-  
tionibus sacrae Scripturæ pro posse suo propter  
hæreticos.

33. Sciatis quod excommunicati sunt omnes illi  
in synodo qui fidem dederunt vel acceperunt de-  
celandis matrimonii; et excommunicatio ista reci-  
tetur in parochiis a singulis sacerdotibus.

C 34. Prohibetur sacerdotibus ne habeant capella-  
nos habentes cappas manicas, sicut nec ipsæ per-  
sonæ debent habere; præcipitur enim omnibus ha-  
bentibus ecclesias ut ad singula tempora ordinum  
se ordinandos offerant; et hoc intelligitur in jura-  
mento quod fecerunt.

35. Item præcipitur sacerdotibus districtissime,  
et sub poena magnæ emendæ, ut custodiant præ-  
cepta synodalia quæ scripta sunt in libellis suis.  
Quidam enim, licet jam elapsi sint tres anni ex quo  
prædictos libellos habuerunt, ita sunt negligentes,  
quod nondum habent pixidem eburneam, nec taber-  
naculum ubi reservetur cum honore corpus Domini,  
nec fontes sub clave, nec chrisma vel oleum in  
aliqua capsula.

36. Prohibeant sacerdotes ne siant choreæ, maxime  
in tribus locis: in ecclesiis, in cœmeteriis et in  
processionibus.

37. Prohibeant sacerdotes per excommunicatio-  
nem, et maxime tempore vindemiarum, singulis  
diebus Dominicis, ne aliquis Christianus retineat  
apud se marchum vindemiarum, quem Judæi cal-  
cant aliquo modo, propter illam horribilem immuni-  
ditiam quam in contemptum sacramenti altaris  
faciunt; et si remanserit, detur porcis, vel expan-  
dant ad opus profuso.

38. Prohibeant per excommunicationem sæpe ne  
carnifices permittant Judæos laniare carnes suas,  
nisi totum detineant Judæi.

39. Item districte præcipitur presbyteris ne ho-

stias, licet non sacratas, dent pueris ullo modo; et inhibetur ne celebrent sine caligis.

40. Item prohibetur districte ne sacerdotes cultulum portent cum cuspidi, nec clerici eorum.

41. Item districte prohibetur sacerdotibus ne permittant prædicare aliquos ignotos sive illitteratos, etiam extra ecclesiam, sive in viis, sive in plateis, sive in aliis locis parochiæ suæ; et saepè de Dominicis diebus sacerdotes moneant, et etiam sub poena excommunicationis inhibeant parochianis suis ne tales audiant, propter pericula hæresum et errorum quos seminant.

42. Item districte præcipitur presbyteris quod moneant parochianos suos et parochianas, quod provideant Ecclesiæ Parisiensi, quæ multuni indiget albis, et stolis, et toallis, et hujusmodi.

43. Item moneant sollicite et assidue parochianos suos ut in Albigenses hæreticos se accingant, et iterum eamdem habebunt indulgentiam quam alias habuerunt.

44. Item moneant presbyteri sub poena excommunicationis omnes illos qui crucem habuerunt, et votum suum non sunt prosecuti, quod crucem suam et proponant resumere, et portent.

45. Item præcipitur omnibus presbyteris quod excommunicent in generali omnes illos qui fecerunt conspirationes contra presbyteros suos vel contra ecclesias suas.

46. Item præcipitur presbyteris ut cum aliquis confitetur eis se fidem dedit alicui mulieri de matrimonio contrahendo cum ea, et post fidem datam cognovit eam, non dent ei licentiam contrahendi cum alia, quoniam sequens carnalis copula cum illa cui fidem dedit matrimonium confirmavit.

47. Item districte præcipitur presbyteris, et sub excommunicatione, ne aliquos matrimonio clandestino conjungant vel benedicant.

48. Item excommunicentur omnes illi qui faciunt se conjungi clandestine, aut benedici, et omnes illi qui interesse præsumunt sacerdotes.

49. Item præcipitur presbyteris ut, quoties dubium erit quando aliqua jejunia vel processiones institutæ fieri debent, sicut in festo sancti Marci, petant a decano loci, et sine ejus consilio ea facere non præsumant.

50. Item præcipitur presbyteris ut quando mu-

(47) Male has constitutiones Binus retulit ad Gregorii VIII pontificatum, qui obiit an. 1187, cum Odo Parisiensis episcopus non fuerit nisi post no-

A lieres post puerperium veniunt ad purificationem, dent eis tantummodo panem benedictum, et corpus Domini eis nullo modo propinent, nisi expresse petant, et prius confessæ fuérint.

51. Item moneant presbyteri parochianos suos in confessionibus et in prædicationibus suis ut saltem semel in anno peregrinando visitent ecclesiam Parisiensem.

52. Præcipitur districte omnibus presbyteris ut pro domino rege faciant specialem commemorationem, quando poterunt.

53. Item præcipitur presbyteris quod singuli scribant nomina parochianorum suorum confratrum Ecclesiæ Parisiensis, et etiam scribant pro quanto quilibet est confrater.

B 54. Item præcipitur presbyteris ne recipiant capellanos sine conscientia episcopi vel archidiaconi.

55. Item præcipitur presbyteris quod nihil exigant a parochianis suis, eo quod testimonium dant pro eis, quando debent matrimonium contrahere.

56. Item prohibetur districte ne diaconi ullo modo audiant confessiones, nisi in arctissima necessitate; claves enim non habent, nec possunt absolvere.

C 57. Præcipimus omnibus decanis quod inquirant de cætero, et in scriptum redigant nomina omnium presbyterorum qui in decanatibus suis decident, eaque deferant ad synodum recitanda, ut oremus pro eis, et moneantur singuli presbyteri ut faciant servitium speciale: hoc enim libentissime debent facere, quia, cum decesserint, fiet similiter pro eis.

58. Item districte præcipitur presbyteris omnibus quod excommunicentur in anno, scilicet in Pascha, in Nativitate Domini, et in festo Ecclesiæ, omnes illos qui scienter celant feuda Paris., et omnes illos qui sciunt super hoc aliquid, nisi illud revelaverint Parisiensi episcopo vel ejus mandatario.

59. Item præcipimus singulis presbyteris quod annualim, idque in crastino S. Trinitatis, anniversarium omnium confratrum B. Mariæ per totam Parisiensem diœcesim celebretur.

D 60. Præcipimus ut moneantur non Judæis præstare rotas, secundum quod præceptum est; alioquin compellantur per excommunicationem (47)

vem ut minimum annos. Mauritio enim successit, qui anno demum obiit 1196.

Gabr. COSSART.